

廣

州

大

典

陳建華 曹淳亮 主編

廣州大典

16

第一輯·廣雅叢書
第十六冊

廣州出版社

目 錄

廿二史攷異一百卷

清 錢大昕 撰

一

廿二史攷異一百卷

光緒二十五年夏四月
廣雅叢書局彙

子弱冠時好讀乙部書通籍以後尤專斯業自史漢訖金元作
者廿有二家反覆校勘雖寒暑疾末嘗少輟偶有所得寫於
別紙丁亥歲乞假歸里稍編次之歲有增益卷帙多成戎設
教鍾山講肄之暇復加討論閒與前人閤合者削而去之或得
於同學啟示亦必標其姓名郭象何法盛之事蓋深恥之也夫
史之難讀久矣司馬溫公撰資治通鑑成惟王勝之借一讀它
人讀未盡十紙已欠伸思睡矣況廿二家之書文字頗多義例
紛糾輿地則今昔異名僑置殊所職官則沿革迭代冗要逐時
欲其條理貫串瞭如指掌良非易事以子儻劣敢云有得但涉
獵既久啟悟遂多著之鉛槧賢於博奕云爾且夫史非一家之
書實千載之書祛其疑乃能堅其信指其瑕益以見其美拾遺
規過匪為齟齬前人實以開導後學而世之攷古者拾班范之
一言隨沈蕭之數簡兼有竹素爛脫豕虎傳譌易斗分作升分
更子琳為惠琳乃出校書之陋本非作者之僮而皆文致小疵
目為大創馳騁筆墨夸曜凡庸子所不能效也更有空疏措大
輒以褒貶自任強作聰明妄生痕疢不叫年代不揆時勢強人
以所難行責人以所難受陳義甚高居心過刻子尤不敢效也
桑榆景迫學殖無成惟有實事求是護惜古人之苦心可與海
內共白自知槃燭之光必多罅漏所冀有道君子理而董之庚
子五月廿有二日嘉定錢大昕序

廿二史攷異序

廣雅叢書局彙

大四百七十一
小五

廿二史攷異總一百卷

史記五卷

漢書四卷

後漢書三卷

續漢書二卷

三國志三卷

晉書五卷

宋書二卷

南齊書一卷

梁書一卷

陳書一卷

廿二史攷異目錄

魏書二卷

北齊書一卷

周書一卷

隋書二卷

南史三卷

北史三卷

唐書十六卷

舊唐書四卷

五代史六卷

宋史十六卷

遼史一卷

六一百零四
小五

一
廣雅書局印

金史二卷

元史十五卷

廿二史攷異目錄

三
廣雅書局印

六一百零五

廿二史攷異卷一

嘉定錢大昕撰

史記一

卷首題宋中郎外兵曹參軍裴駟集解 案索隱序稱外兵
參軍後序稱外兵郎互有不同攷隋書經籍志史記八十卷
宋南中郎外兵參軍裴駟撰又宋書南史本傳俱云南中郎
參軍蓋龍駒爲南中郎府之外兵參軍宋齊之世四中郎將
皆以皇子爲之得開府置官屬外兵其一曹也南中郎者所
仕府之名外兵者所署曹之名參軍則其職也中郎之上當
有南字索隱後序稱外兵郎則誤甚矣

五帝本紀

廿二史攷異卷一

廣雅書局

幼而徇齊索隱云大戴禮作叡齊一本作慧齊 今大戴禮作

慧蓋慧之省

其色郁郁其德巖巖索隱云大戴禮郁作神巖作俟 今大戴

禮亦作郁郁巖巖與小司馬所見本不同蓋後人據史記轉

改

東至于蟠木 予謂蟠木者扶木也呂覽爲欲篇西至流沙東

至扶木又求人篇禹東至搏木之地說文搏桑神木日所出

也搏與扶通扶木卽扶桑古音扶如誦聲轉爲蟠也漢書天

文志奢爲扶鄭氏云扶當爲蟠

便程東作 程秩聲相近詩秩秩大猷說文作戣戣程从呈聲

戣从戣戣亦从呈聲故程戣俱與秩通也說文引書作平巒

大三百八十一
小五

便程南譌 索隱正義本皆作爲字

試不可用而已 尙書云試可乃已古人語急以不可爲可也

古經簡質得史公而義益明

嗟四嶽 尙書嗟爲咨咨嗟聲相近

舜飭下二女於嬀汭索隱云二女長曰娥皇次曰女英系本作

女瑩大戴禮作女瑩 瑩瑩皆英之轉

歸至于祖禰廟 說文無禰字禰者爾也考於七廟爲最近故

稱爾後人因加示旁尙書作藝祖馬融云藝禰也蓋用史公

說藝禰音亦相近

徧告以言 古音敷如布徧布聲相近奏告亦聲之轉也奏屬

齒音告屬牙音均爲出聲故亦得相轉

廿二史攷異卷一

廣雅書局

堯二女不敢以貴驕事舜親戚正義云親戚謂父瞽叟後母弟

象妹顛首等也 古人稱父母爲親戚大戴記曾子疾病篇

親戚既沒雖欲孝誰爲孝孟子盡心篇人莫大焉亾親戚君

臣上下楚世家楚人皆憐之如悲親戚猶言如喪考妣也孟

嘗君列傳使使存問獻遺其親戚亦謂其父母也正義兼弟

妹言之非史公之旨

誰能馴子工 馴與順同易坤初象傳馴致其道至堅冰也其

文言曰履霜堅冰至蓋言順也可證順卽馴字尙書疇若子

工若訓順故史公以馴代若

教穉子注尙書作胄子孔安國曰穉胄聲相近 案穉胄聲相

近乃裴氏說非孔安國注也曰下當有脫文

大四百一十六
小五

朕畏忌讒說珍偽徐廣曰一云齊說珍行 尚書云朕聖讒說

珍行孔傳訓聖為疾疾齊聲相近故又作齊也偽讀如平秩

南偽之偽南偽見漢書王莽傳偽即為字行為聲相近

惟時相天事 案釋詁亮相皆訓導故變亮言相正義訓相為

視失之

息慎注鄭玄曰息慎或謂肅慎 息肅聲相近

顧弟弗深攷注徐廣曰弟但也 弟但聲相近俗書弟但字作

弟次弟字作第皆不合六書之旨

夏本紀

蘇之父曰帝顓頊 索隱據漢書律麻志顓頊五代而生蘇證

蘇非黃帝之子子攷山海經黃帝生駱明駱明生白馬白馬

廿二史攷異卷一

廣雅書局

是為蘇蘇生禹山經所云黃帝當是顓頊之譌然亦無五世

疊疊穆穆 司馬相如封禪文攷攷穆穆君子之能攷攷即疊

疊也古音疊如門與攷相近攷即旻字

濟河維沈州 沈州本以沈水得名尚書作兗州由隸變立水

為橫水在上又誤三為六耳

汶嶧既莒正義云括地志云岷山在岷州溢洛南一里 洛當

作樂唐書地理志岷州溢樂縣有岷山

益讓帝禹之子啟 史公書於漢諱皆回避如恆山作常山微

子啟作微子開盈數作滿數是也亦有不盡然者周本紀邦

內甸服邦外侯服封禪書五岳皆在天子之邦犯高帝諱殷

本紀盈鉅橋之粟樂書盈而不持則傾晉世家萬盈數也以

大四百一十一
小一十三

從盈數春申君列傳盈滿海內犯惠帝諱天官書王癸恆山

以北恆山之北氣下黑上青封禪書北岳恆山也至琅邪過

恆山田齊世家以為非恆人張儀傳獻恆山之尾五城犯文

帝諱夏本紀益讓帝禹之子啟禹子啟賢諸侯皆去益而朝

啟啟遂即天子位是為夏后帝啟殷本紀帝乙長子曰微子

啟啟母賤不得嗣孝文本紀夏啟以光燕世家禹薦益已而

以啟人為吏及老而以啟為不足任乎天下啟與交黨攻益

奪之犯景帝諱此非史之駁文後人以意改易耳若呂后諱

雉而殷本紀封禪書不避雉字或史公本文如此蓋呂氏傾

危社稷史臣未必為避諱也宋史禮志紹興二年禮部太常

曰滿止是讀曰國曰滿本字見於經傳者未嘗改易司馬遷

作史記曰先王之制邦內畿服邦外侯服又曰盈而不特則

傾於邦字盈字亦不改易此說未然

廿二史攷異卷一

廣雅書局

注張敖地理記曰濟南平壽縣其地即古斟尋國 濟南當作

北海張敖未詳何代人

斟氏戈氏 索隱本作斟戈氏即斟灌也戈灌聲相近上氏字

衍

殷本紀

予其大理女注尚書理字作賚 理賚聲相近詩釐爾圭瓚鄭

康成引作賚釐理義亦通也

至于秦卷陶索隱云鄒誕生卷作餉又作洞則卷當為洞 卷

洞聲相近秦與太古文通

大最樂戲于沙邱注徐廣曰最一作聚 最當作取說文取積

大三百七十五
小八十九

也音與聚同功臣表注孔子文生最說文以最爲積聚字此
最字亦取字之譌

紂走入登鹿臺注徐廣曰鹿一作廩 廩鹿聲相近

周本紀

子公叔祖類立索隱云系本云太公組紺諸蓋 蓋當作蓋音

戾蓋類聲相近也蓋綠色紺青赤色與綠相似故又云組紺

兩造具備注徐廣曰造一作遭 兩遭猶言兩曹說文曹獄之

兩曹也

孔子卒 案周秦二本紀魯燕陳衛晉諸世家皆書孔子卒而

吳齊蔡宋楚世家則不書夫孔子魯人也其卒宜書於魯世

家孔子有東周之志孔子卒而周不復興矣以其卒之繫於

廿二史攷異卷一

五

廣雅書局

周則書於周本紀亦宜也若秦若衛若陳若晉與燕於孔子

何與而亦書孔子之卒也或曰孔子之卒史遷爲天下惜之

故不獨於魯書若然則十二國宜皆書何爲而有書有不書

也且孔子之先宋人也齊楚與蔡孔子嘗至其國焉視秦晉

燕之從未一至者有開矣何爲乎宜書而不書也

周太史儋見秦獻公曰始周與秦國合而別別五百載復合合

十七歲而霸王者出焉 案此語周本紀載之秦本紀載之

封禪書老子列傳又載之蓋重出者四矣秦本紀作七十七

歲老子列傳作七十歲皆傳寫之譌索隱正義於周本紀封

禪書皆有注可證

子赧王延立索隱云尙書中候以赧爲然鄭玄云然讀曰赧王

大四百三十四
小五

邵案古音八扇反今音奴板反 說文赧从赤反聲反柔皮
也讀如輓故古讀赧爲八扇切

王赧時東西周分治 赧非王名當云赧王

韓微甲與粟於東周 戰國策以爲西周

秦本紀

我不殺戎王則不敢入邑 據此則周末東遷之日戎已僭王

號如徐偃王楚句亶王鄂王越章王之類也其後有亳王義

渠王獮王皆戎種

以女弟繆嬴爲豐王妻 豐王未詳閩本作幽王幽豐字形相

近然幽王妻申后非繆嬴

臣常游困於齊而乞食餒人注徐廣曰餒一作銍正義云銍地

廿二史攷異卷一

六

廣雅書局

名在沛縣 予謂沛非齊地

庶長改迎靈公之子獻公于河西而立之殺出子及其母沈之

淵芻 呂氏春秋當賞篇秦小主夫人用奄變羣賢不說自

匿公子連亶在魏聞之欲入從鄭所之塞右主然守塞弗入

曰臣有義不兩主公子勉去矣公子連去入翟從焉氏塞南

改入之夫人聞之大駭令吏與卒中道因變曰非擊寇也迎

主君也公子連因與卒俱來至雍圍夫人夫人自殺公子連

立是爲獻公不韋言秦事必可信小主者卽出子茵改者庶

長改也呂氏言獻公名連而索隱云名師隰未知所本

與齊威楚宣魏惠燕悼韓哀趙成侯並 據六國表秦孝公元

年當齊威十八年楚宣九年魏惠十年燕文公元年韓壯侯

大四百三十四
小五

十年世家作趙成侯十四年此云燕悼韓哀誤也正義讀並為白浪反屬下淮泗之間為句亦非

與晉戰鴈門索隱云紀年云與魏戰岸門此云鴈門恐聲誤也

秦與韓魏戰不當遠至鴈門 案岸鴈聲相近故岸門亦作鴈門非謂代之鴈門也

樽里疾攻魏焦降之 樽里疾即樽里子也說文樽作樽

庶長疾攻趙虜趙將軍莊 樽里子傳虜趙將軍莊豹

攻韓南郡取之 六國表作南陽案戰國之際韓魏皆有南陽

魏之南陽即河內之修武左氏傳晉於是始啟南陽是也韓

之南陽即秦漢南陽郡也但秦昭王三十五年已置南陽郡

而此又云攻韓取之亦似可疑若江陵之南郡則楚地非韓

廿二史攷異卷一

七 廣雅書局采

地也

秦始皇本紀

嫪毐封為長信侯索隱云案漢書嫪氏出邯鄲王劭云賈侍中

說秦始皇母子即與嫪毐淫坐誅故世人罵淫曰嫪毐也

案賈侍中說以下出許叔重說文其所引漢書則班氏無此

文當是漢書注也南越傳嬰齊取邯鄲嫪氏女索隱云嫪音

紀虬反嫪姓出邯鄲此嫪字正義亦音紀虬反蓋嫪嫪古文

通用今人讀嫪為郎到切非也

九年正義云穆帝永和八年石勒為慕容俊所滅 俊與僞同

是歲僞滅冉閔非石勒也 梁侯景廢簡文帝而立

大四百二十一
小十三

豫章王棟改元天正是年景即篡位明年景死而傳國墮入於齊則天正無二年也此云天正二年蓋據北齊紀載之文

削侯景之年亦不用承聖號也

搏心指志索隱云搏古專字左傳云如琴瑟之專壹 搏當作

搏說文搏壹也俗本搏作搏尤誤指古幅字書幅五端史記

亦作搏

北過大夏正義云杜預云大夏太原晉陽縣案在今并州 子

謂正義說非也始皇立石誇聲教之遠豈近取晉陽之地乎

周書王會解正北空同大夏大宛傳張騫從月氏至大夏即

其地也

廿二史攷異卷一

八 廣雅書局采

別黑白而定一尊 李斯傳別作辨古書辨與別通周禮小宰

聽稱責以傳別故書作傳辨

異取以為高 李斯傳作異趣

雖萬世世不軼毀正義云軼徒結反 軼與迭同古書軼迭二

字多通用左氏傳彼徒我車懼其侵軼我也釋文軼直結反

讀如迭成十三年迭我般地亦侵軼之義封禪書軼興軼衰

漢書作迭興迭衰

飯土壩啜土形 李斯傳壩作匱形作劔古文盥與匱同讀若

九與壩音相近太史公自序形作刑壩亦作簋徐廣注云一

作湣說文無壩字則此文當為湣也 子嬰為秦王四十六日 李斯傳子嬰立三月

項羽本紀

大三百八十九
小五

項梁使沛公及項羽別攻城陽 城陽當作成陽縣名屬濟陰郡非齊之城陽國也

誰為大王為此計者 此時沛公未為漢王蓋臣下尊之之稱

項羽亦未自王故沛公呼為將軍而范增項莊已稱為君王

樊噲張良亦稱為大王史亦屢書項王皆據當時相尊之詞

烏江亭長橫船待 橫當從鄒氏本作樣樣與漾同

高祖本紀

秦泗川監平注文穎曰泗川今沛郡也 案曹參世家樊噲周

昌傳俱作泗水漢書地理志沛郡秦泗水郡而本紀亦作泗

川

別攻城陽屠之 城當作成即下文所謂至成陽與杠里者也

廿二史攷異卷一

九 廣雅書局印

至成陽與杠里索隱云成陽縣名在濟陰韋昭云在潁川非也

案成陽漢書作陽城故韋昭以潁川之陽城當之當從史

記作成陽為是

高祖已擊布軍會甄注案漢書音義會音侷保邑名甄音直侷

反索隱云漢書直作侷音保非也 案漢志沛郡斬縣有侷

鄉高祖破黥布師古音侷為直恚反即此會甄也隸書垂似

缶故漢書高紀偽為缶字孟康讀會為侷保之侷非讀甄為

保小顏未達孟義矣有訾警小司馬又承顏之謬而不察爾

呂后本紀

得定陶戚姬注如淳曰姬音怡眾妾之總稱也索隱云如淳音

非也姬周之姓天子之宗女貴於它姓故遂以姬為婦人美

六四百一十八 小五

號 子謂姬从臣聲姬妾字讀如怡乃是正音六朝人稱妾

母為嫉字易而音不殊與姬姓讀如基者有別如淳去古未

遠當有所受小顏小司馬輩輒非之誤矣

盜蚤自財 財與裁同悔不早自引決也漢書高五王傳財作

賊小顏訓為害義亦通

更名梁曰呂呂曰濟川 案呂后二年割齊之濟南郡為呂王

奉邑及呂產徙王梁地改呂國曰濟川以王孝惠之子則濟

川即濟南也諸呂既誅先徙濟川王於梁乃告齊王令罷兵

蓋仍以濟南還齊矣

孝文本紀

廿二史攷異卷一

十 廣雅書局印

古者殷周有國治安皆千餘歲 案殷周有天下皆不及千歲

云千餘歲者并稷禹受封之年計之漢書作且千歲

子某最長 案高帝紀書文帝名景帝紀書武帝名此稱某例

亦不一

孝景本紀

二年封故相國蕭何孫係為武陵侯 表作武陽其名嘉非係

也

三年立楚元王子平陸侯劉禮為楚王正義云應劭云平陸西

河縣 案東平國有東平陸縣此劉禮所封邑也水經注據

陳畱風俗傳以尉氏之陵樹鄉故平陸縣指為劉禮所封者

失之若應劭韋昭輩以為西河之平陸則謬甚矣

六三百七十六 小五

五年五月丁卯封長公主子螭為隆慮侯 案年表中元五年

五月丁丑隆慮侯螭元年徐廣據本紀以證表之非子攷功臣表隆慮侯周通以中元元年有罪國除則螭之封隆慮必在中元年以後紀書於前五年者非矣漢書年表景帝中五年隆慮侯融以長公主子侯二十九年坐母喪未除服茲自殺館陶公主卒於元鼎元年距孝景中五年正二十九歲又足證史記之表是而紀非也融與螭字形相涉而譌

六年封趙丞相嘉爲江陵侯 表作江陽

中元年封故御史大夫周苛孫平爲繩侯 據表是年封周成孫應乃苛之曾孫也平則嗣應爲侯者徐廣云平一作應近之

中六年城陽共王薨正義云城陽今濮州雷澤縣古成陽也

廿二史攷異卷一

十一 廣雅書局

案城陽國治莒漢志謂文帝二年別爲國者是也濮州之成陽漢時屬濟陰郡乃梁地非齊地且成城字異正義說非是孝武本紀 張晏云此紀褚先生補作予謂少孫補史皆取史公所闕意雖淺近詞無雷同未有移甲以當乙者也或魏晉以後少孫補篇亦必鄉里妄人取此以足其數爾秦始皇本紀末有漢明帝十七年十月云云平津侯傳末有太皇太后詔大司徒司空云云司馬相如傳贊有楊雄以爲靡麗之賦勸百風一云云皆魏晉以後人竄入
有司與太史公祠官寬舒等議 案封禪書兩稱太史公與祠官寬舒連文而不著名爲其父諱也是年郊雍爲元鼎四年其明年冬至郊拜泰一皆談爲太史公時事談以元封元年

大四百七十三 小五

卒後遷始繼之漢志稱談名得其實矣以太史公爲太史令則據後官制追改之

與王不相中得 得字衍

不虞不驚 古文虞與吳通漢碑亦有不虞不揚之文今封禪

書作不吳乃後人據毛詩私改

黃帝得寶鼎宛侯 封禪書作宛胸宛胸蓋地名濟陰郡宛句 縣是也漢志作冕侯冕卽宛之譌侯句音相近

廿二史攷異卷一

十二 廣雅書局

廿二史攷異卷一
黟縣黃士陵初校
順德李肇沅覆校

大一百三十三 小五

嘉定錢大昕撰

史記二

三代世表

抱之山中注抱音普茅反 抱讀爲拋說文無拋字徐氏新附

有之从尤从力於義無取蓋即抱之譌

十二諸侯年表

人事浹 浹與帛同

庚申共和元年 史公以漢武太初元年歲在焉逢攝提格據

此上推共和之元不值庚申且漢人言太歲百四十四年而

超一辰不皆依六十之序故史公作表有年歲而無干支此

廿二史攷異卷二

廣雅書局印

表庚申甲子甲戌之類蓋徐廣注非史記本文

周襄王十四年叔帶復歸于周 本紀在十二年

魯孝公稱元年伯御立爲君稱爲諸公子十一年周宣王誅伯

御立其弟稱是爲孝公 案魯世家伯御即位十一年周宣

王伐魯殺其君伯御立稱是爲孝公二十七年孝公卒漢書

律麻志伯御即位十一年孝公即位二十七年與世家合表

乃以伯御之元年即爲孝公之元年故孝公有三十八年失

其實矣

魯莊公三十二年莊公弟叔牙鳩死子般季友奔陳 子般上

下皆當有脫文

齊靈公二十七年晉圍臨淄晏嬰大破之 案齊世家靈公走

大三百五十四

入臨淄晏嬰止靈公靈公弗從此文當有脫誤

晉厲公壽曼 春秋晉弑其君州蒲即厲公也蒲乃滿之譌曼

滿聲相近古書酬酢字或作醕是壽與州通

衛文公二十三年重耳從齊過無禮 世家在十六年

衛殤公狄 世家作秋狄皆焱之譌漢書古今人表作焱春

秋作剽剽焱音相近

衛君起元年石傳逐起出索隱云傳音圃或作專音敷 左傳

作石圃圃傳相近傳蓋傳之譌專亦當爲專

六國表 十二諸侯年表始於共和共和以前則三代世表紀

之終於周敬王四十三年孔子歿後二年故序云自共和訖孔子其時惟陳曹

先亾耳史公以六國表繼之晉衛附於魏鄭附於韓魯蔡附

廿二史攷異卷二

廣雅書局印

於楚宋附於齊各述其後事以續前表文簡而法密矣三家

分晉魏得晉之故都故魏人自稱晉國孟子書梁惠王周霄皆云晉國而韓

趙則否史公以晉附魏蓋以此

湯起於亳注徐廣曰京兆杜縣有亳亭 案殷本紀湯始居亳

皇甫謐曰梁國穀熟爲南亳湯所都也書立政有三亳說者

以爲湯始居南亳在宋州穀熟縣西南後徙西亳即河南偃

師縣而景亳湯所盟地則宋州北五十里大蒙城是也三亳

非一地要非京兆之亳亭明矣秦本紀靈公二年遣兵伐蕩

社三年與亳戰亳王奔戎遂滅蕩社徐廣云蕩一作湯社一

作杜皇甫謐以爲亳王號湯西夷之國又云周桓王時自有

亳王號湯非殷也封禪書於杜亳有三杜王之祠亦指此蓋

大四百四十九

京兆之亳乃戎王號湯者之邑而徐廣以為殷湯所起其不然乎然此篇稱作事者必於東南收功實者常於西北乃述禹興西羌周始豐鎬而及於湯之起亳則史公固以關中之亳為湯之亳矣

魏獻子韓宣子趙簡子 表始於周元王元年即晉定公三十六年也魏獻子舒以魯定公元年卒韓宣子起之卒當更在其前安得此時尚存乎三家分晉唯趙氏最强世次分明故於表首著簡子四十二年而魏韓闕之蓋魏自文侯韓自武子以後年數乃可表也後人妄益獻子宣子字於魏韓下失史公之旨矣春秋傳魏舒之後有魏曼多世家作魏侈侈諡襄子見世本此與趙簡子同時者當是魏侈也春秋傳韓起之後有韓不信諡簡子而世家言宣子之後有貞子簡子莊子未審當是何人

廿二史攷異卷二

廣雅書局

魏文侯二十五年太子罃生 罃為子擊之子不當云太子齊威王六年晉伐到罃陵索隱云劉氏罃音屬沈反 沈當為沈之譌罃陵世家作博陵

趙成侯六年敗魏涿澤 魏齊世家並作濁澤古文濁涿通五帝本紀涿鹿或作濁鹿

秦昭王二年桑君為亂誅 案秦本紀庶長壯與大臣諸侯公子為逆皆誅桑與壯音相近穰侯傳誅季君之亂亦指桑君也

魏安釐王十一年秦拔我廩邱注徐廣曰或作邢邱 案秦本

大四百一十九 小五

紀亦作邢邱當以邢為是

秦楚之際月表

楚項 別項於楚者義帝雖項氏所立羽不為義帝用也且項梁與沛公起兵皆在陳涉未敗之前其後權奉義帝不得竟係於楚

漢 表列漢於趙齊之下燕魏韓之上趙齊強也趙先於齊者據起之先後也

秦二世元年 自是年七月以後諸侯以起兵之月為始以次數之項梁三月籍十七月趙歇二十六月田市十九月沛公二十九月韓廣三十月魏豹十八月韓成二十一月皆計月不計年也義帝元年以後諸侯以始封之月為一月數至

廿二史攷異卷二

廣雅書局

十二月即稱二年一月如韓王信之三年一月即楚四年十月英布之二年一月即漢五年七月而漢王獨稱正月者別於諸侯也趙歇田市韓廣魏豹韓成皆稱王已久則仍前之月數之而不計其年歇終四十八月市終二十四月廣終三十七月豹終三十八月成終二十七月前後義例已為不倫臨江王共敖與十八王同時封獨不稱二年一月仍稱十三月敖終於三十一月敖子驩終於十六月又何說也

漢興以來諸侯年表

漢獨有三河東郡潁川南陽自江陵以西至蜀北自雲中至隴西與內史凡十五郡 十五郡謂河東河南河內東郡潁川南陽壽郡 漢中巴郡蜀郡隴西北地上郡雲中并內史

大四百一十九 小八

也五原郡元朔二年始置故不數

怵邪臣計索隱云怵音誓怵訓奮 怵當作怵傳寫之譌

故齊分爲七趙分爲六梁分爲五淮南分爲三 案此表凡二

十六格高祖始封同姓九國并齊趙梁淮南析置十七國益

以長沙當爲二十七格今檢表齊之下爲六格趙之下爲五

格梁之下止三格以濟陰附於淮陽之後梁與淮陽地本相

接也楚之下爲二格魯泗水本楚地衡山淮南所分亦楚故

地也廬江亦淮南所分乃列於趙之下與清河爲一格似失

其倫矣

高帝四年初王武王英布元年 武王二字衍布已誅死安得

有論

廿二史攷異卷二

五 廣雅書局印

高后元年初置呂國 案呂國以齊之濟南郡置當在齊之下

與濟南爲一行今列於梁之下誤也

孝文前元年分爲河間都洛城 洛城當爲樂城監本作洛陽

尤誤

十五年分爲膠西都宛注徐廣曰樂安有宛縣 宛上當有高

字

孝景前元年初置臨江都江都 當作都江陵

四年初王元年是爲孝武帝 是爲孝武帝五字後人所增入

也攷孝文封代王表直書其名而云高祖子此亦當書名而

云景帝子

中二年初置清河都濟陽 濟陽當作清陽漢書地理志清河

小四百三十一

郡清陽縣注云王都是其證也

孝武建元元年 孝武二字亦後人所增

元鼎三年初置泗水都郡 案漢志泗水國領三縣凌也泗陽

也于也郊爲東海郡治不當割爲泗水國都

高祖功臣侯年表

百年之間見侯五正義云謂平陽侯曹宗曲周侯酈終根陽河

王氏本南監 王本監 戴侯祕蒙 王本監本 穀侯陵馮

本並作楊阿侯齊 本作卞仁 戴侯祕蒙 作秋家誤 穀侯陵馮

作韓誤 偃也 案史公作表終於太初平陽曲周陽河戴

四侯之免皆在太初以後故尙在見侯之數也江鄒侯靳石

以改封不與五人之列然曲周侯終根其時已改封繆陽河

侯仁其時亦改封埤山矣是太初之世不止見侯五也陽河

廿二史攷異卷二

六 廣雅書局印

侯據漢表乃其石之後齊其諡非姓也正義稱齊人似誤

太初元年盡後元二年十八 案惠景間侯者年表建元以來

侯者年表末一格只云太初以後不計年數此表亦當如此

蓋史公紀事止於天漢不及見孝武之崩也此後人所增改

陽陵索隱云陽陵屬馮翊 案馮翊之陽陵景帝陵也漢制陵

縣屬太常元帝始分屬三輔不以封諸侯 平陵侯蘇建平陵

南陽武當縣非昭 漢志陽陵故弋陽景帝更名則高帝時尙

帝所葬之平陵 無陽陵之名楚漢春秋作陰陵近之

廣嚴索隱云晉書地道記廣縣在東莞嚴謚也下又云壯班馬

二史並誤 案嚴字衍文小司馬以嚴爲謚卽下文所云壯

侯也壯當爲莊班氏避諱作嚴非有誤也後人又誤會班史

小四百三十一

增嚴於廣字之下亦非史公之誤漢志齊郡有廣縣

酈侯呂台孝惠七年有罪 案漢書外國侯表無呂台有罪罷免之文

胡陵侯呂祿 漢表作漢陽

雷 言上張旗志秦王恐降 志古文識字旗志者旗幟也說文無幟字徐氏新附有之幟取表識之義亦當作識史漢多古字故

爲志耳張蒼列傳沛公以周昌爲職志徐廣云主旗幟之屬叔孫通傳張旗志徐廣云一作幟

鄼 高后二年懿侯同元年同祿弟文帝元年同有罪封何小子延 案漢書蕭何傳子祿嗣薨子高后乃封何夫人同

爲鄼侯小子延爲筑陽侯孝文二年罷同更封延爲鄼侯漢

廿二史攷異卷二

七 廣雅書局

表以同爲祿母史記以同爲祿弟既已乖迕且同以罪除何由更得諡諡此必史記之誤也

筑陽 文帝元年侯延元年 案此表延立十九年以文帝後

三年薨子遺立一年以文帝後四年薨則立四年以景帝元年有罪免皆封筑陽若據漢表及傳則延封筑陽乃在高后

時文帝元年更封鄼二年薨當云三年子遺嗣一年遺弟則紹封二十年皆封鄼漢表則封武陽其不同如此蕭公爲漢元功史家敘

其世系尚不免傳聞異詞紀載之難信自昔然矣

曲周索隱云縣名屬廣平 案漢志曲周縣武帝建元四年置

蓋景帝之世酈寄以罪免國除爲鄉至孝武復置爲縣也

臨汝 侯賢行賕一本作財罪國除 漢表賢坐子傷人首匿免與

大四百三十八 小二十五

此異

建平 周昌始封汾陰其子開方改封建平孫左車又改封安陽也漢表失建平二字

成索隱云縣名屬涿郡 案水經注淄水又逕鄆北春秋齊師

圍鄆鄆人伐齊飲馬於斯水也漢高帝封董濞爲侯國成鄆古字通左氏傳本作成

蓼 以執盾前元年從起碭 案蓼侯孔繁費侯陳賀陽夏侯陳綸棘蒲侯陳武都昌侯朱軫河陽侯陳涓漢表作軫昭

棘邱侯襄阿陵侯郭亭厭次侯元頃茵侯張平皆以前元年從穀陵侯馮谿汾陽侯靳彊以前二年從汁防侯雍齒以前

三年從所稱前元年二年三年者高帝自稱沛公之年也入

關王漢以後始稱漢元年漢初王侯受封皆自稱元年亦用

此例

費 定會稽浙江湖陽 湖陽漢表作湖陵

陽都索隱云漢志關晉書地道記屬琅邪 案漢志城陽國有陽都縣後漢省城陽入琅邪小司馬云漢志關者非也

拜爲將軍忠臣侯 忠臣非官號史惟見此一人

汁邠 功比平定侯 案平定侯齊受孝惠元年始封雍齒以

高祖六年封不應轉準其例當有誤文或是平侯沛嘉之譌

棘蒲索隱云漢志關 案趙世家敬侯六年伐魏取棘蒲正義

云今趙州平棘縣古棘蒲邑也今攷陳武以高帝六年封棘蒲侯而七年又封林摯爲平棘侯則平棘非卽棘蒲或其地

大四百三十四 小一十一

相去不遠棘蒲國除之後省入平棘爾

都昌索隱云漢志闕 案北海郡有都昌縣水經注以為朱軫

所封

武彊索隱云漢志闕 案曹相國世家還攻武彊因至滎陽臣

瓚云武彊城在陽武水經注以為莊不識所封也

賞齊侯呂注徐廣曰呂一作台 漢表作合傳胡害合與台字

形相似也索隱單行本呂下有博國二字博近傳國近害未

審誰是

海陽索隱云海陽亦南越縣地理志闕 案班志遼西郡有海

陽縣水經注以為搖母餘所封

曲城索隱云漢志闕表作涿郡 案漢志曲成縣屬東萊即此

廿二史攷異卷二

九

廣雅書局

曲城也其後改封夜侯夜即掖亦屬東萊小司馬云漢志闕

者非也又王子侯表有曲成侯萬歲中山靖王之子表在涿

郡此又一曲成小司馬誤合為一

蠱逢 漢書作蠱逢

任侯 侯字衍

昌武索隱云漢志闕 案漢志膠東國有昌武縣

侯單甯 漢表作單究

宣曲索隱云漢志闕 案貨殖傳有宣曲任氏小司馬據上林

賦西馳宣曲以為當在京輔也

絳陽索隱云漢志闕 案水經注澮水篇云新田又謂之絳即

絳陽也蓋在絳澮之陽漢高帝封華無害為侯國

六三百六十九

東茅索隱云漢志闕一作柔 案琅邪郡有柔縣

臺索隱云臨淄郡有臺鄉縣 案兩漢無臨淄郡當是齊郡也

又濟南郡有臺縣

樂成索隱云漢志闕 案漢志河間國有樂成縣

蒯成索隱云漢志闕晉書地道記屬北地 案晉書地理志蒯

成屬始平不屬北地也高帝功臣侯百四十七人班史皆不

言其食邑所在獨於蒯成云在長沙必有所據諸解紛紛皆

無當也

復陽索隱云縣名屬南陽 案清河郡亦有復陽縣水經注以

為陳胥所封

朝陽索隱云縣名屬南陽 案濟南郡亦有朝陽縣或稱東朝

廿二史攷異卷二

十

廣雅書局

陽水經注以為華寄封國也

柏至 以駢憐從索隱云姚氏憐鄰聲相近 案姚氏名察有

漢書訓纂三十卷

許溫索隱云漢表作許益 溫益聲相近

武原索隱云漢志闕 案漢志楚國有武原縣

棗索隱云漢志棗縣屬山陽 案棗當為棗字之譌

彭索隱云漢表屬東海郡 案東海郡無彭縣武帝時劉屈氂

封彭侯晉灼云東海縣然漢志東海亦無彭縣

甯索隱云漢表甯陽屬濟南郡 案武帝封魯共王子恢為甯

陽侯國隸濟南郡即漢志泰山郡之寧陽也甯甯古字雖通

然以後證前亦出意揣子謂春秋傳晉陽處父聘于衛反過

六三百八十九

甯杜云甯晉邑汲郡修武縣也當是魏選所封邑

襄平索隱云縣名屬臨淮 案水經注以遼東之襄平爲紀通封國

龍索隱云廬江有龍舒縣蓋其地也 案水經注汶水又西南

逕龍鄉故城春秋成公二年齊侯圍龍者也漢高帝封陳畧爲侯國

陸梁 索隱本作陸量

義陵注徐廣曰一作義陽索隱云義陽縣在汝南 案武陵郡

有義陵縣吳程以長沙柱國封侯當是武陵之義陵非汝南之義陽且漢有兩義陽一在汝南平氏一在東海厚邱皆不屬汝南疑小司馬誤也

廿二史攷異卷二

十一

廣雅書局采

吳程 漢表作吳郢古文程與郢通孟子文王卒於畢郢郢卽

程邑

禾成索隱云漢志闕 案水經注濁漳水篇云斯洙水又東南

逕和城北漢高帝封郎中公孫耳爲侯國

汲侯索隱云漢表作汲 侯字衍汲蓋波之譌水經注溟水又

東北逕波縣故城北漢高帝封公上不害爲侯國

江鄒侯石坐爲太常行太僕事治喬夫可年益縱年國除 案

漢表坐爲太常行幸離宮道橋苦惡太僕敬聲繫以謁聞赦

免與此異

衍索隱云漢志闕 案蘇秦說魏襄王云北有河外卷衍酸棗

則衍亦河南郡地

六三百七十四
小五

平州索隱云漢志闕晉書地道記屬巴郡 案漢志西河郡有

平周縣而路博德傳稱西河平州人疑州與周通也又春秋

傳會于平州杜預云在泰山牟縣西元封三年封朝鮮降將

味爲平州侯表在梁父蓋卽春秋之平州也平州雖有三名

漢初封國當以梁父者近是

博陽索隱云縣名屬彭城 案彭城卽楚國漢志楚國有博陽

縣古偃陽國此博陽必博陽之譌也且同時有博陽侯陳滂

不應同名小司馬注史記時尚未誤後來轉刻譌爲博爾

感索隱云漢志闕晉地道記屬東海 案班志東海郡明有感

縣鄭氏音憂感小司馬乃云志闕何其謬也水經注今頓邱

廿二史攷異卷二

十一

廣雅書局采

海之感也酈說近之

桃索隱云縣名屬信都 案水經注濁漳水篇云衡漳又東北

逕桃縣故城北漢高祖封劉襄爲侯國此信都之桃也又濟

水篇云濮渠逕桃城南卽戰國策所謂酸棗桃虛也漢高帝

封劉襄爲侯國此東郡之桃也

高粱索隱云漢志闕 案水經注汾水過高粱邑西故高粱之

墟也春秋秦穆公納公子重耳于晉害懷公于此漢高帝封

酈介於斯邑

紀信 此侯國注家皆闕其地疑本封紀侯而衍信字爾或云

信匡兩字謚

甘泉索隱云案志甘泉闕疑甘泉是甘水 案甘水縣漢志亦

六四百四十
小五